



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Scopus in que[m] magistratus omnia dirigat quis

urn:nbn:de:hbz:466:1-35433

tecum fatemur. Quandoquidem enim dies domini ut
fur uenturus est, incertus omnibus, & omnibus immi-
net tremendum illud Christi iudicium, ante cuius tribu-
nal omnes sistendi sumus, recte in apostolis omnes mo-
net ut uigilemus. Textum euangelistæ mutilum addis-
xisti. Sic autem habent uerba: Vigilate igitur, nescitis
enim quando dominus domus uenturus sit, sero, an me-
dio noctis, an in gallicinio, an diluculo, ne si uenerit
repente, offendat uos dormientes. Ceterum quæ dico
uobis, omnibus dico. Nec potes negare quædam ita
proposita esse à Christo, ut ad omnes quidem perti-
neant, at non citra discriminem, ut quum dicit: Vos estis
sal terræ, uos estis lux mundi: sic enim ad omnes Chri-
sti religionem profitentes pertinet, ut præcipue tamen
ad episcopos ac magistratus. Quædam planè præce-
pta esse omnibus ex aequo, quod genus est de mutua
charitate, de condonandis fratum erratis &c. Quæ
dam uero sic esse dicta, ut ad solos apostolos et eorum
successores episcopos pertineant, ut: Ite in orbem uni-
uersum & prædicate euangelium omni creaturæ. Sin-
gularia ergo communia facere haud quam licebit.
Nam nō rite colliget, qui sic colligit: Quæcunq; dicta
sunt apostolis, omnibus dicta sunt: apostolis dictum est
ut eant in orbem & prædicent, ergo omnibus hoc di-
ctum est. Paulus enim dicit: Non omnes sunt apostoli.
Singulare ergo est quod dicit: Vos autem non sic, &

Non omnes sunt apostoli

ad apostolos solos pertinet eorumq; successores. Non
dum igitur satis probasti Christianum non posse gere
re magistratum. SIMON. Quibus ergo argu
mentis tu probas Christiano homini fas esse ut magis
tratu fungatur? IOIADA. Exod. 18. de ele
ctione magistratus sic scribitur. Prouide de omni po
pulo uiros sapientes, timentes deum, in quibus sit ueri
tas, & qui oderint auaritiam: & constitue ex eis tri
bunos &c. Hos autem rite electos censeo, qui ab his
eliguntur quorum interest, non se ingerunt uel pre
ce, uel precio, aut alijs malis artibus, & qui tales sunt
quos hic describit Iethro, aut certe tales esse diligen
ter student. Tales uero per deum magistratus munere
fungi posse, ijs ipsis uerbis supracitatis probatum a
bunde existimo, nam id uerba ista possunt: Qui præ
ficiuntur, debent esse uiri integri, fidi, metuentes dei,
no auari. Quis uero haec magis præstare poterit quam
Christianus? Sequitur deinde in prædicto capite: Si se
ceris hanc rem implebis imperium domini, & præces
pta eius poteris sustinere. Quandoquidē igitur Chris
tianus imperium & præceptum domini exequi des
bet, quod per magistratum fit, consequitur Christian
um posse gerere magistratum. Adde quod Paulus ait
magistratum ministrum esse dei Rom. 13. Ex quo sic
colligo: Quæcunq; talia sunt, quibus cum ministra
tur deo, Christiano homini prohibiti non sunt: magis
tratu

Affendit littera

stratu deo ministratur: magistratum ergo gerere Christiano non est prohibitum. Porro exempla sunt innumeraria sanctissimorum virorum qui magistratum gesserunt, quales sunt Abrahā, Joseph, Iudas, Moses, Iosue, Gedeon, Samuēl, David, Ezechias, Iosias, ceteriq;.

SIMON. Quid ad nos quid olim in ueteri testamento fecerunt illi? Si sic colligere licet, eadem ratione probabitur sacrificandum nobis esse et litandum bovis et hircis. IOIADA. Nihil ad te Paulus: De sacrificijs que aduersi, locum non habent: an ignoras abolita esse sacrificia per Christum? Magistratum abolitum esse non probabis. Sed dic, Abraham, Moses, Samuēl, et alij quos adduxi, fideles ne fuerunt et amici dei? SIMON. Sed Christiani non fuerunt. IOIADA. Christianus ergo quid est?

SIMON. Qui in Christum Iesum credit, et spiritum habet Christi. IOIADA. Recte. Dic ergo alium ne spiritum apostoli habuerunt quam prophetae? SIMON. Idem fuit spiritus prophetarum et apostolorum. IOIADA. Sanctissimi homines ueteris testamenti in Christum crediderunt, et spiritum Christi habuerunt, ergo Christiani fuerunt, nec solum Christiani sed et magistratus, ergo Christianus potest esse magistratus. Quod ueteres sancti spiritum Christi habuerint, 1. Petri 1. manifestum fit. Sic enim ait: De qua salute exquisierunt et

201

scrutatis sunt prophetæ, qui de uentura in uos gratia
uaticinati sunt, scrutantes ad quem aut cuiusmodi tem-
poris articulum significaret, qui in illis erat spiritus
Christi &c. Quod uero in Christū crediderint, Chri-
stus ipse testimonium dat Ioannis octauo, et Paulus i.
Cor. 10. Omnes (de patribus ueteris testamēti loquēs)
eandem (scilicet nobiscum) escam spiritualem come-
debant, et omnes eundē potū spiritualē bibebant. Bibe-
bant autem de spirituali quæ illos comitabatur petra,
Petra uero fuit Christus. Eadem ergo est ecclesia eo-
rum qui tum in Christum credebant, et eorum qui
nunc, quæ ecclesia in uno eodemq; spiritu congrega-
tur. Hoc duntaxat interest, quod illi in promissum ex-
uenturum crediderunt, nos in eum qui iam uenit ex-
præfitus fuit. Quo uero loco ceremoniæ apud illos fue-
rint, ex prophetis facile est uidere. SIMON.

Nobis ergo quam iudicamus legibus Iudeorum u-
tendū erit. IOIADA. Hoc non sequitur, quum

Wb Quo magis nec illi plus quam nos legi addicti erant. Scopus im-
magistratib. spe-
randum. quem magistratus Christianus omnia dirigit, et in
quem unice spectat, est, ut pax et iustitia constet, ut
homines integre, sancte, pie et honeste uiuant: contra
ut scelera et flagitia extirpentur et puniantur, ut se-
ditiones tumultus et quidquid huius generis est uel ca-
ueantur uel tollantur. Nihil hic refert quibus haec le-
gibus fiant, modo fiant. Nec legitur Apostolos contra
ius

ius gentium prædicasse unquam, quod regionum & gentium mores & leges et consuetudines uariæ sunt, nec posibile est quod omnibus omnia quadrant. Quid uero de ueteribus opus est dicere? Ad nouū testamen-
tum ueniemus: Magistratum gesit Nicodemus & Ioseph. Præfetus reginæ Candaces fuit qui à Philippo baptizatur & in Christi gregem accensetur. Christianus fuit Cornelius qui Petrum accersit, & ab eodem baptizatur. Sergius Paulus à Paulo receptus, & Era stus. Hi omnes publico munere functos esse negare nō potes. SIMON. Officia quidem fuerunt quando ad fidem uenerunt, mansisse in munere publico post receptam fidem non est expressum. IOIADA. Audiam ergo ex te quibus rationibus probare uelis, fidē hos magistratu eieciſſe. SIMON.

Quid opus probationibus quum scriptum non sit quod in magistratu manserint. IOIADA. Ostendeo ergo quod in magistratu non perdurarint. SIMON. Non possum. IOIADA. Nihil ergo probasti, & quæ ego adfero tantum ualent quantum tua quibus ista negas. Istæ uero quæstiones, contentiones generant infinitas, & mentem reddit perplexam. Asculta ergo mihi. Fides Christiana neminem ejicit imperio. Ioseph enim cæteriq; quos supra nomina uimus Christiani fuerunt, & simul muneribus publicis præfecti. Nec milites abdicare militiam iussit Io-

*Tessinaria manu
legata in 9c
magistratu*

Fides nem
nem exigit
honesto offi
cio.